

www.BibleForChildren.org

Matius 1




Elisabet emale oko mehine mbai nendo yeuboke mo,
Allah Na malaikat Gabrielre ukeunge Galilea kanina
Nasaret yore eke. Gabriel ukeunge eke miyae yele
maengke yele mbai na ro Mariale bokore eke. Nda
maengke Yusuf rowendere a hokaikoke. Nda Yusuf
Ondofolo Kaban Daudle orona mena.



Nebeibe malaikat benende weunge,
“Fe efaeijae, Maria. Allah ware
onomi foka yae ei hawete. Weyae
emale yeubondera, kelu mbai
honole, Yesus yae hele ro
roubonde. Neyae kaban
yembonde, Allah Hubalo
Mando Na Kelu yae
kaenenainyele. Na yobe Ondofolo
Kaban Daudle yo waku Allah Nare
kinyennele. Mende Yakuble orona
mena yo naei Ondofolore yembonde,

nekenende huba ban haei ban.”



Nebeibe Maria yae weunge, “Reyae miyae yeke maengke yeke ya.

Naendae wanen mae nda a rare warae benate?” Nebeibe malaikat yae weunge, “Allahlena Roh waei rande onde, Allahle elae wake mende ei aneubondene, Allah yae nda nene waewae Fare Naei Fa yae elende.”



Na heki ban mo, Maria erambun
mokoungehake kulun uke, yo mbai Yudea
kanina moko nolone honolere eke.
Nebei ijenne Zakhariale
imae hebelene. Maria
eweufike Elisabetre ro
bere melaeyeungeboke.
Mariale are mo
Elisabet boroke bae,
na kou yahi einya fa
nenaaijae eiso meiso
howole nane merau
Allahle Roh Elisabetre
ei aungeboke.



Nebeisa kaenele, “Ewole mewole miyae maengke nolora wembai onomi foka yae ei aubokete. Foi sele moi sele waei koufa yahira honole fa.”



Yesus Wali Ondofolore hongkate na mekai ma nda niyae: Yesus nenake Maria Yusufkere endere be hinainyeboke, roro miyaere namman eyeiboi mo, Allahle Roh yae aungebokene Maria emale yeuboke. Yusuf wali himaloungeboka nekeweke aere ro miyae helen bene febe mokonnebonde belene, Mariare maleu-maleu wae nennehinde naei merau raungehike.



Yusuf nibi ninae mokoukoke Mariare nukennebondere. Ijongkune eungeke nebei u benene haiwole hee Allahle malaikat imene uwa yakaungeboke weunge, “Yusuf, Ondofolo kaban Daudle orona mena, Mariare rowele waei miyaere yembonde naeise wa kena wauwau wae okoijsae.”



“Rabuhine ban, Maria na kou bulu yahi buluna yale
Fa ro miyae naeinya ban, nebeibe Allah yae Rohle
walora Mariale kou ei yahi einye aungeboke
yale. Maria Kelu Fabe hononde,
Na ro Yesus yae hele roungebonde.
Rabuhine ban nebei Kiyae yae hele nda
kanina kelana ro miyae hole
emmimolonde na beko neban
mokoyatera
emmifaeinyende.”



Yusuf ijongkura aunguke mo, Allahle malaikat yae imene ukeunge a huluinye hakouboke. Mariare roke nekewote. Nebeibe hokolo bee uwa mbainye ohonoi mo meinyekekokete Maria fa honoke. Allahle malaikat yae eleukoke huluinye, nebei Fa na ro Yesus yae rainyeboke.



((Yohanes hongkate heera oko mehine mbai nekaikoke hee yae)) Kaisar Agustus ukeumi Roma kani kabanna ro miyae nemene mere nulenaibondere. Rore haungate naeise ro miyae naeise-naeise



na yore yande bukewate mewate.



Ro mbai, na ro Yusuf, Galilea kanina Nasaret yora kulun
uke Yudea kanina Betlehem yore, Ondofolo Kaban
Daudre hongkate yore
ewole, rabuhine ban
Yusuf Daudle
orona menane.



Yusuf Maria na miyaere yembondere ehe kaikoke kiyae
bele ro haungeikonde naeise nanembaisa ekete. Nebei
hee Maria emale
yeuboke yae.



Betlehem yone ekete
Maria naei hononde ya
nobeungeboke.



Meke, Kelube na kou eme yahi emera hongke. Maria
rouke malone ruleufike. Kolo imae maemae koukokene,
o hote kaban sapi yae domba
yae ramande anate
einye nekeunge.



Yudea kanine Betlehem yo kelaeunge, domba kayaare
hebate yo reniai yae na domba kayaane hebewate mo,
Allahle malaikat na uwa
meumiyakauboke. Allah na

u inyukui
yae hehe
naeumikoke.
Nebei domba
kayaare

hebate yo fe yae
waku yae
maemae
koumikoke.



Nebeibe malaikat yae weumi, “Fe efaemmae. Reyae a
foi faeu foibe roukale male mare ufembere, nane merau
ro miyae nemene ufemilere. Mayae
rei mai kombe nebei wanen

mbai nebei
ro miyae
konate. Mana
ya Walilo
mbai Daudle

yona hongkate.”



“Neyae Tuhan Allah yae oro umau heraungeboke Wali Ondofolo Kiyae ((Yunani afaeunge)) Kristus yae kaenainye. Iwau wanen nda ma yae

erennele,
fa mefa na
malo yae
rulenaisinde,
domba naei

sapi naei kere
anate o hote
kaban einye
nenainyende.”



Nebeisa nebei malaikat kelaeunge surgana malaikat felayo helen sele na hiwa yakaiboke.



Allahre buma kaewainye na a bele elewate, "Allah na
bumane hele ekenekele Kiyaere hili
hebenayende nane merau nda kani
kelana ro miyae Naei
kenare



koyeumi yore
Allah rei mai
yemmile."



Nebeisa malaikat nda domba kayaayo nukaimiboke, surgare baeiboke. Ewate mo, nda domba kayaayo naeise naeise elate, "Men, Betlehem yore ema. Allah yae meke weume a ema erembon."



Na hibi u hale me hale nane yo kulun hayaeikoke.
Ekate, Mariale Yusufle nebei fa bele hubayaeikoke, o
hote kaban einye nekainyele honowole. Erewainye bae,
nda fa malaikat are huwaimi huluinye a
heraeyeuboke.



Yesus Betlehem
yone hongkate hee
Herodes Ondofolore
Yudea kanine
nekewole. Nebei
hee findelau

mehinin mewalore isaei hebaen
bele yo naufa Yerusalem yore
mewate hinaimimeke, "Makeinye
Yahudi naei Ondofolo manemfana
hongkate? Maere kelemebo!"



“Na findelau naufe
reufine
meuyakauboke
eranneboke. Mana
meyae nebei
kiyaere eise

molomandere baeimeyannele.”



Nebei findelau mehinin
mewalore isaei hebaen
bele naufa mekate yore
Ondofolo Herodes
maleu-maleu wae
arileumihike wa, nebei
findelau meujakauboke
hee hinewoumine
isaeyaeinyeboke.



Nebeisa Ondofolo Herodes
naufa mekate yore Betlehem
yore enatere ukeumi mo a
heraweumi, “Embe, nebei
fa hongkate anuwau foi yae
hinengkombe.
Hubayengkombena
bembombe mensewembe,
rangkele yae erele, nebei
fare be erensinende ei
eremolonde.”



Ondofolo Herodeslena a boraiboke heera, oro molaiboke Betlehem yore ewate. Nibi nolone ewate yae findelau nau reufine erekainyele kiyae bere holo yae nebei fa nekewole anuwau ranne yauboke. Nebei imaene ayeuboke nebei Fa melae nenake Mariale nekewote hubayaeikoke, uwa are nihaeinyehike ei molowainye.



Na run kangke wewe molaimiboke, na hili era akau era
foi sele yarowate, nebei Fare kolowainye. Nebei rambun
nda niyae: mas, kemenyan, mur. Ondofolo
Herodesle bokore ebeiboi ei
naeise Allah ime walora a hun
raumihike. Nebeinye nda yo
na yore yande nibi
hira baeiboke ewate.



Naufa mekate yo kulun ukate
ewate hee yae, Allahle
malaikat benen Yusufre imene
uwa yakaungeboke weunge,
“Ondofolo Herodes nebei fa
baennekonde
hombondere merau
raungehike. Nebeinye
anyu, Fa melae
nenakele bele

yaweimibo hakangkombe
Mesir kanire embe.”



“Nebei kanine mo nekembe,
benen bembombe naeise
ware a ufete.” Yusuf aunguke,
Fa melae nenakele bele
yawumiboke, nebei reniai
mo kulun ukate Mesir
kanire ewate. Mesir
kanine mo nekewate
Herodes hereke hee
yae bukaiboke



Israel kanire mewate.




Nda rambun bewate walora
Allah yae Na yendo kayaalo
Hoseale walora homone
moloukoke huluinye yeuboke.
Nebei a nda mekai
moloukoke, "Mesir
kanira Raei Kelu
kaenerengkonde."



Ondofolo Herodes isaeyeuboke
naufa mekate isaei bele hebaen
bele yo nare ame-amebe
baeinyekokene ikele hele
kowole. Nebeinye felayore
ukeumi, "Betlehem yore embe,
naufa mekate yo rainyehike ralo

yakama
hului
beera
onde

ane kelu fa-fa
nemene hongkombe."



Mesir kanine nekewate
Ondofolo Herodes herekemo,
Allahle malaikat benen


Yusufre imene uwa
yakaungeboke weunge,

“Anyu, Fa melae nenakele
bele yaweimibo, kulun
wembe Israel kanire
eme! Rabuhineban
nebei Fare

baewainyele honaibondere
merau kolowainye yo
ninae heraiboke.”




Yudea kanine Arkelaus naeko
Herodesle a bulure
Ondofolore ranaijeke
a boroubokene Yusuf
buhae



hokoungboko nebei
kanire ei. Imene Allah yae
keleungeboko huluinye, Yusuf
naei Galilea kanire ekate.



Nebei kanire ekate, yo mbai na ro
Nazaret, nebei yone
ekainyekewate. Allahle
yendo kayaalo
Yeremia yae
Yesusle
are



moloukoke na hului yeuboke.
Nebei a nda mekai moloukoke,
“Nare Nazaret yona ro yae enainyeronde.”



Allah yae nda kani kelana ro miyaere
kena buhae u buhae kaban hewoumi
aerene Reyae Na Kelu mbai ken sele
kinyeumiboke.



Nde maenin mae Raei a elalere hila
rabo halensele kiyae Allah bele
ewaheikoi nebeibe wali hena bona
endowende naeise, Reyae
hererelere Allah ukeufe mekale.



Roma 3:23 rabuhine ban ro miyae nanemene u mekai beko mo mokowate nane merau Allah kena ure kiteumiboke ma huluinye enekei.

Roma 6:23 U mekai beko mokoyate ro miyae Allah bele wahenaikonde huba ban haei ban nekenayende, here no unulu bele wahaeikoke wanen, nebeibe Allah yae aei Tuhan Yesus Wali Ondofolo bele mbainye nekate ro miyaere wali hena bona u mekai hubainye.

Ibrani 9:27 Allah merau raneungehike ro miyae roko mbai sele herende, nebeisa naei walire Allah huluise emmikolonde wanen,



Efesus 2:8,9 Allah na kena buhae aere ban mae hewombe yae Yesus Wali Ondofolo Naei a elelere hila rabo halaeunge walora mai wali hole molombokembe. Nebei rambun Allah Nenaiejae mokouboke, mai me u mokowaubene ban. Mai wali holere molombokembe naeise mai me u foi mokowaubene ban. Nebei mekainye aei u nolo u kainye ro miyae hi na uware ekaei sului.

Roma 10:9,10 Mai euwa yae Yesus Wali Ondofolore Tuhan mae wo kaube nane merau mai kena u eisa Yesus Wali Ondofolo here u nolo u kaisa Allah yae aungunuke yae na hele elaubena, Allah yae hole enemmolombombe. Ro miyae kena u eisa hila rabo haleikoyatene, wali himalonainyele. Nane merau neuwa yae ro miyae naei bene wo koikoyatene, Allah yae wali hole emmimolombonde.



Yohanes 3:16,17 Allah yae nda kani kelana ro miyaere kena buhae u buhae kaban hewoumi aerene Reyae Na Kelu mbai ken sele kinyeumiboke. Nde maenin mae Raei a elalere hila rabo halensele kiyae Allah bele ewaheikoi nebeibe wali hena bona endowende naeise, Reyae hererelere Allah ukeufe mekale. Ro miyaere me noremiyonde naeise ban, nebeibe naeinya hesele nda kani kelana ro miyae holere moloremibonde naeise, Allah na Kelu Reyae nda kani kelare ukeufe mekale.



1 Yohanes 5:11-13 Allah yae Yesusle naeise nda are ukeume, “Raei Kelule walora mare wali hena bona ikamale.” Nde yae Allahle Kelure hila rabo halennele kiyae, Allah yae elele are na kena einye nekende. Nebeibe Allah yae Naei Kelule a elelere na hele ban mae elate ro miyae Allahre ame-ame bele Kiyae yae elate, rabuhine ban Allah yae Na Kelu naei a eleukokere na hele ban mae elaikokene. Nde yae Allahle Kelu bele mbainye nekete kiyae, wali hena bona hubannende. Nde yae Allahle Kelu bele mbainye enekei kiyae, wali hena bona ehubaikoi. Mayae Allahle Kelu naei Rore hila rabo halaeube holona yore, mayae wali hena bona yaraukokere isaeisembombere reyae nda homo molale.



Matus 1-2; Lukas 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Sentani NT (set) © 2020, Wycliffe Bible Translators, Inc. All
rights reserved.

<https://www.bible.com/en-GB/bible/2526/MAT.1>

©2025 Bible for Children, Inc.

www.M1914.org

www.bibleforchildren.org

